



COMUNU DE CUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

LITERADURA A SU CUNVENTU, CENÀBARA PRESENTATZIONI DE SU LÌBURU "PIONIERI"

Po sa rassinnia *Incontri Letterari al Convento*, cenàbara 26 de donniasanti a oras de is 17,00 presentazioni de su lìburu "Pionieri - Agli albori del turismo in Sardegna"- de Bruno Mura, anca est s'apostu de is Afrescus in su Cunventu de is Paras in bia Brigata Sassari. Unu lìburu garbosu, originali e spassiosu chi contat de su primìtziu de s'indùstria de s'accollièntzia in s'ìsula.

“Sa vocatzioni turistica fiat de seguru una matèria noa po nosus sardus, ma no po custu non faiat”: incumentzat diaci su lìburu de Bruno Mura, “Pionieri”, chi tirat una fotografia a su primìtziu de sa stagioni turistica manna in Sardìnnia, a partiri da su segundu apustis ghera. Bruno Mura, issu etotu pionieri de sa ristorazioni e de s'arricidura in Sardigna, contat da protagonista is primus passus e sa stòria de òminis e fèminas chi a s'inghitzu de su turismu ant tèntiu su coràgiu de incarrerai un'atividadì imprendioriali in logus de sa costa oi connotus a livellu internatzionali, ma fintzas aintru de sa matessi ìsula, aundi s'ausèntzia da su mari pariat smenguai sa possibilitadi de fortuna. Oi su Turismu in Sardìnnia bivit gràtzias a su coràgiu, sa capacidadi e a sa generosidadi de cuddus pionieris, chi si moviant intre una fiera e s'àtera cun balìgias prenas de pepari e de speràntzia, acumpangiada calincuna borta da un'ampudda bona de Nepente o da una forma de casu Fioresardo. Pionieri est unu lìburu de importu, poita amostat su turismu non sceti cumenti a fenòmenu portau in Sardìnnia de aforas. Issu, incapas est stètiu capassu de si svilupai in formas originalis aintru de s'economia de s'ìsula, partendi da sa cumbintzioni funduda de parìcius sardus chi su balori chi si podiat spendi e ùnicu de s'ìsula nostra a su centru de su Mediterraneo. Chini funt custus Pionieris? Impari a su Mura matessi, chi at rucrau in sa ricetividadì e s'accollièntzia in Casteddu e Quartu, c'est Pepeddu Palimodde a Oliena, Tzia Michela Mastio a Orosei, Ninni Paba a Aritzo, Gualtierio e Carlo Cualbu a Fonni, Attilio Mazzella a Arbatax, e àterus medas. Totus atorìs de importu e protagonistas de una scumissa, mancai no incora binta, ma de seguru acanta de dda binci: in Sardìnnia si podit e si depit bivi de turismu.